



Inatsisartunut ilaasortaq  
Akitsinnguaq Olsen  
Siumut

### §36 malillugu apeqqummut nr. 2010-163-mut akissut

Inatsisartut suleriaasianni § 36, imm. 1 naapertorlugu 25. august 2010 apeqquteqaatinut qujanaq. Apeqqutit tulleriinneri malillugit matumuuna akissuteqarfigineqassapput:

### **Apeqqut 1: Ilinniaqqinnissamik kaammattuinnissami ingerlatsineq eqqarsaatigalugu sinerissami atuisunut, imaappoq innuttaasunut, paasissutissanik siammarterinermi aningaasaliissutit qanoq agguataarneqarpat?**

#### **Akissut:**

Ilinniartitaaneq pillugu paasititsiniaanermut aningaasaliissutit ilinniarfinni ataasiakkaani-ippat, taakku ukiut tamaasa "paasititsiniaallutik angalasunut" kiisalu TV-kkut ilanngussani, pilersaarutini allanilu peqataanermi ilinniarfissaatiminnik ilisimatitsisarput. Tamatuma saniatigut ukiuni kingullerni ilinniartitaanermet immikkut suliniarnermet aamma ilinniartitaanermet pilersaarummik taaneqartartumut missingersuutitigut paasititsiniaanermut aningaasaliissutinik immikkoortitsisoqartarpoq. 2011-mut Aningaasanut Inatsisissatut Siunnersuummi takuneqarsinnaavoq 2009-mi paasititsiniaanermut 40.01.08-mi 500.000 kr.-it immikkoortinneqarsimasut, 2010-mi 2011-milu ukiut tamaasa paasititsiniaanermut 600.000 kr.-it immikkoortinneqarlutik.

Aningaasat 2009-mi siullermik inuusuttut arfineq marluk Nuummeersut, Sisimiuneersut Qaqortumeersullu ilinniakkaminnik ingerlatsisut malittarineqarfigisaannik TV-kkut aalla-kaatitassiat pingasuusut "Siunissaq pilersiguk" suliarineqarnerannut atorneqarput. Aalla-kaatitassiat TV-kkullu ilannguttakkat tassunga attuumassutillit arfineq pingasut KNR-imi arlaleriarlutik takutinneqartarput, kingullermik ilinniarfinnut qinnuteqarnissamut killilius-samut marsip ulluisa aallaqqaataannut atatillugu 2010-mi februaarimi.

2010-mi immikkut paasititsiniaanissaq pilersaarutigineqanngilaq, tassami soqutiginnit-tunut ataatsimeersuartitsinerup inernerisa utaqqineqarnissaat Naalakkersuisoqarfiup toqqarsimammagu. Ataatsimeersuarnermi tassani novembarip qaammataani ilinniarti-taanermet pilersaarummi soqutiginnittut tamarmik katersorneqassapput. Tassani ilinniarti-taanermet tunngasuni ajornartorsiutit sorliit pingaarnertut sammineqarnissaannik taak-kartuinissamut periarfissaqassapput.

Naalakkersuisoqarfiulli maanna isumaliutigaa inersimasunut ilinniarsimanningsunut ata-atsimik amerlanerusunilluunniit 2011-mi paasititsiniaassusiortoqassanersoq. Inuusut-tummi ilinniagaqarnissamik oqariartuut paasereerpaat ilinniarsimanningsullu ukiorpassuit matuma siorna atuarunnaarsimasut ilinniagaqarnissamik piginnaasasqarnerulerniarnis-samilluunniit ajornakusoortitsillutik.

8. september 2010  
Sagsnr. 2010-024961  
Dok. Nr. 453359

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [kiin@nanoq.gl](mailto:kiin@nanoq.gl)  
[www.nanoq.gl](http://www.nanoq.gl)

Paasititsiniaanermut aningaasaliissutinit 40.01.08-miittunit 250.000 kr.-it missaanniittut ukiut tamaasa qaammatsiutinut ilinniartitaaneq pillugu paasissutissartalinnut Nunatsinilu tamarmiusumi atuartunut angajullernut nassiussuunneqartartunut atorneqartarput.

Taamaalilluni ukiut tamaasa ilinniarnertuunngorniartinnut assigiinngitsunut "paasititsiniaalluni angalasoqartarpoq", tamatumani ilinniartut Nunatsinni Danmarkimilu ilinniartitaanerit ingerlaqqiffiusut pillugit paasisaqarnerunissamut periarfissaqartarlutik. Suliniut tamanna ilaatigut kontumi 40.90.02-mi – Danmarkimi Kalaallit Illuinut tapiissutit, ilaatigullu Nunatsinni ilinniartinnut assigiinngitsunit aningaasalersorneqarpoq.

Kiisalu ilinniartitaaneq pillugu internetikkut nittartakkat marluupput. Siullermik "Sunngu" ilinniartitaaneq pillugu paasisaqarusuttunut tamanut tunngatitaq, taakkununga ilanngulugit atuarfimmi atuartunut, ilinniarnertuunngornianut, inuussutissarsiutinut tunngaviusumik ilinniartinnittunut, inersimasunut atualeqgerusuttunut. Internetikkut nittartagaq taanna 2010-mi nutarsarneqarpoq. Tulliullugu "Tasiorti" siullermik sulisitsisunut ilinniartuutinnut ilinniartunullu internetikkut nittartagaq paasititsiniutaasoq.

## **Apeqput 2: Aningaasaliissutit agguataarneri nunatsinni sinerissami isorartoqisumi qanoq misilittagaqarfiulerpat?**


### **Akissut:**

Akissummi qulaaniittumi takuneqarsinnaasutut paasissutissiinermut aningaasaliissutit nunap immikkoortuini paasititsiniaanernut atorneqangillat nunali tamakkerlugu paasititsiniaanernut atorneqarlutik.

## **Apeqput 3: Aningaasaliissutit qanoq kinguneqarpat, tamatumani atuaqqinnissamik qinnuteqartartut akornani atuarfeqarfiit atuarfigilikkallu sorlarni qinnuteqarfiit qinnuteqarfigineqarneri amerleriassuteqarfiuppat, ukiut kingulliit arfinillit sanillu-tissagaanni?**

### **Akissut:**

Titartagartani ataaniittuni takuneqarsinnaasutut ilinniartitaanernut assigiinngitsunut qinnuteqartut amerliartorsimapput. Taamaattorli uppersarsineqarsinnaanngilaq ineriartorneq tamanna paasititsiniaanerunerup kingunerineraa, imaluunniit inuusuttut ilinniagaqar-nissap pingaaruteqassusianik eqqumaffiginninneruliinnarsimansut.



Inussiarnersumik inuulluaqqusilluta

Mimi Karlsen